

Codsiga Ruqsadda Ku-Meelgaarka ah ee EIDBI oo Dhawaan laga Heli Doono Provider Hub

Fariintan waxaa loo diray bixiyeyaasha ku diiwaangashan Barnaamijyada Daryeelka Caafimaadka Minnesota (Minnesota Health Care Programs — MHCP) ee ka shaqeeya hay'ado ahaan EIDBI, cinwaanka iimaylka ee ku xiran hay'addooda.

Codsiga Ruqsadda Ku-Meelgaarka ah ee Early Intensive Developmental and Behavioral Intervention (EIDBI) ayaa hadda si rasmi ah uga furan Provider Hub! Bixiyeyaasha ku diiwaangashan Barnaamijyada Daryeelka Caafimaadka Minnesota (Minnesota Health Care Programs – MHCP) ee u shaqeeya hay'ado ahaan EIDBI waxay hadda samayn karaan akoon Provider Hub ah waxayna bilaabi karaan codsiga ruqsadda ku-meelgaarka ah.

Dib u eeg fariintan si aad u hesho caawimaad ku saabsan sida loo bilaabo isticmaalka Provider Hub iyo xasuusin ku saabsan tallaabooyinka iyo waqtiyada khasabka ah.

Samee Akoon Provider Hub

Qofka u adeegi doona Wakiilka La Ogggol Yahay (Authorized Agent) ee hay'adda EIDBI waa inuu sameeyaa akoon Provider Hub ah. Akoonkan ayuu u adeegsan doonaa si uu u galo codsiga ruqsadda ku-meelgaarka ah ee ku jira Provider Hub.

Waa maxay Wakiil La Ogggol Yahay (Authorized Agent)?

Hay'adda EIDBI waa inay u magacowdaa mid ka mid ah shakhsiyaadka xukuma inay noqdaan Wakiilka La Ogggol Yahay, sida lagu qeexay ([Xeerarka Minnesota, qaybta 245A.02, fargadda 3b](#)). Wakiilka La Ogggol Yahay waa qofka mas'uulka ka ah la-xiriirka Waaxda Adeegyada Aadanaha ee Minnesota (Minnesota Department of Human Services – DHS) ee dhinaca shatiga.

Macluumaad dheeraad ah oo ku saabsan doorkan ka hel bogga labaad ee [Liiska Hubinta Codsiga Ka-hor Ruqsadeynta \(PDF\)](#).

Sideen u sameeyaa akoon Provider Hub

Akoon ka samee [shaashadda gelitaanka \(login\) ee Provider Hub](#).

Si aad u hesho caawimaad, eeg maqaalka [Create a New Provider Hub Account](#).

Baro Provider Hub

Kadib marka aad sameeyso akoon Provider Hub ah, waxaa faa'iido leh inaad sahamiso aaladda onlaynka ah.

[Provider Hub Basics Learning Library](#) waa uruurin maqaallo ah oo kaa caawin kara inaad:

- Gasho akoonkaaga (log in)
- Dib u dejiso erayga sirta ah (password)
- Dejiso luqadda aad rabto inaad ku gasho Provider Hub — English, español, Soomaali ama Hmoob
- Hesho iimayllo la xiriira akoonkaaga
- Barato sida loo dhammeeyo hawlo sida diyaarin faylal loo gelinayo (upload) iyo daabicidda ama daawashada shati
- Hesho caawimaad la xiriirta aaladda onlaynka ah

Ka hor inta aadan Bilaabin Codsigaaga

Ka hor inta uusan Wakiilka La Ogggol Yahay (Authorized Agent) bilaabin codsiga ruqsadda ku-meelgaarka ah ee EIDBI gudaha Provider Hub, waxaa faa'iido leh in marka hore la sameeyo arrimahan soo socda:

1. Dib u eeg [Liiska Hubinta ee Codsiga Ka-hor Ruqsadeynta \(Pre-Licensing Application Checklist\)](#).

Liiskan hubinta ah wuxuu kaa caawin karaa inaad isu diyaariso buuxinta codsiga ruqsadda ku-meelgaarka ah marka uu diyaar noqdo aaladda onlaynka ah. Liiskan hubinta ah **khasab ma aha; mana**

aha codsiga ruqsadda ku-meelgaarka ah. Waxaa markii [hore lala wadaagay hay'adaha EIDBI ee ku diiwaangashan bishii Diseembar](#).

2. Ururi macluumaadka soo socda:

- Lambarka Diiwaanka Isqorista (enrollment record ID) — Macluumaadkan waxaad ka heli kartaa bogga Minnesota Provider Screening and Enrollment (MPSE) adigoo galaya akoonkaaga MN-ITS.
- Lambarka Aqoonsiga Canshuurta Federaalka (Federal Employee Identification Number — FEIN)
- Aqoonsiga bixiyaha — Ama National Provider Identifier (NPI) ama Unique Minnesota Provider Identifier (UMPI). Macluumaadkan waxaad ka heli kartaa bogga MPSE ama Warqadda Soo-dhaweynta (Welcome Letter) ee ay dirtay Waaxda Adeegyada Aadanaha ee Minnesota (DHS) markii isdiiwaangelintaada markii ugu horreysay ay ansixiyeen Barnaamijyada Daryeelka Caafimaadka Minnesota (MHCP).

Macluumaadkan waxaad u baahan doontaa si aad u “dalbato” ama u gasho codsigaaga ruqsadda ku-meelgaarka ah ee Provider Hub marka uu kuu diyaar noqdo. Keliya hay'adaha EIDBI ee ku diiwaangashan ayaa loo oggolaan doonaa inay dhammaystiraan codsiga.

Xiriiro macluumaad dheeraad ah:

- [Buugga isticmaalaha ee MPSE portal](#) — Ka hel macluumaad dheeraad ah iyo caawimaad ku saabsan sida loo isticmaalo boggan
- [MN-ITS](#) — Gal akoonkaaga MN-ITS si aad u gasho MPSE portal

3. Wakiilka La Oggol Yahay (Authorized Agent): Buuxi [Foomka Heshiiska Codsadaha, Aqoonsiga iyo Xaqiijinta \(Applicant Agreement, Acknowledgement and Verification Form\)](#) adigoo joogta goobta nootaayo dadweyne (notary public). Wakiilka La Oggol Yahay wuxuu u baahan doonaa inuu soo geliyo foomka la saxiixay lana caddeeyey (notarized) isagoo qayb ka ah codsigiisa.

4. Dib u eeg [Su'aalaha Inta Badan La Isweydiiyo ee Ruqsadeynta EIDBI \(FAQs\)](#). Boggan wuxuu wadaagayaa macluumaad dheeraad ah oo ku saabsan habraaca ruqsadeynta.

Bilaab Codsigaaga

Marka aad diyaar noqoto, Wakiilka La Oggol Yahay waa inuu galaa Provider Hub si uu u bilaabo codsiga ruqsadda ku-meelgaarka ah ee EIDBI.

Si aad u hesho caawimaad la xiriirta codsiga, dib u eeg [EIDBI Licensing Learning Library](#).

Hel caawimaad la xiriirta Provider Hub

Ka sokow maqaallada qoran, koox khabaro maxalli ah ah — oo ah Product Success team — ayaa diyaar u ah inay kaa caawiyaan inaad si guul leh u isticmaasho Provider Hub.

Haddii aad u baahan tahay caawimaad la xiriirta aaladda onlaynka ah, [gudbi codsi](#) marka aad gashay Provider Hub ama wac 651-431-6075. Kooxda Product Success waxay ka jawaabaan codsiyada Isniin ilaa Jimce inta u dhaxaysa 8 subaxnimo ilaa 4:30 galabnimo.

Taariikho Muhiim ah

Codsiyada ruqsadda ku-meelgaarka ah ee EIDBI waa in lagu gudbiyaa Provider Hub ugu dambayn May 31, 2026.

Hay'adaha EIDBI ee aan gudbin codsi taariikhdan ka hor waa inaysan sii wadin hawlgalka, waxaana laga saari doonaa bixinta adeegyada EIDBI.

Ku saabsan Provider Hub

Provider Hub waa aalad onlayn ah oo loogu talagalay in lagu codsado laguna maareeyo shatiyada adeegyada bulshada iyo ka-qaybgalka barnaamijyada dawladda ee la heli karo.

Wax dheeraad ah ka baro:

- [Dib u eeg bogga Provider Hub](#) si aad u hesho faahfaahin ku saabsan astaamaha hadda jira, xiriirro degdeg ah oo loo maro ilaha inta badan la isticmaalo, iyo macluumaad kale.
- [Isdiwaangeli Wargeyska Provider Hub](#) si aad u hesho cusboonaysiin ku saabsan astaamo cusub iyo kuwo la hagaajiyay ee Provider Hub, ilooyin, dhacdooyin soo socda, iyo warar kale oo la

xiriira aaladda onlaynka ah. Kooxda Provider Hub waxay dirtaa wargeys qiyaastii labadii biloodba mar. Eeg ama fiiri [wargeyskii ugu dambeeyay ee la diray Diseembar 12 \(PDF\)](#).

- [Ka qaybgal kulan xog-wareysi ah](#) — mawduucyada waxa ay ka mid noqon karaan horumarinadii ugu dambeeyay ee Provider Hub, talooyin ku saabsan sida si wax ku ool ah loogu adeegsado aaladda onlaynka ah, iyo agabyo caawimaad oo cusub. Ka-qaybgalayaashu way soo gudbin karaan su'aalo inta lagu jiro kulanka. Kooxda Provider Hub waxay qabtaan kulan dadweyne oo onlayn ah qiyaastii labadii biloodba mar. Kulanka xiga waxaa si ku-meel-gaar ah loo qorsheeyay bisha Maarso; taariikhda saxda ah waxaa lagu shaacin doonaa wargeyska bisha Febraayo. Duubisyada kulamadii xog-wareysiga ee hore ka hel [bogga Provider Hub](#).

Ku saabsan Ruqsadeynta Ku-Meelgaarka ah ee EIDBI

Sharci-dejinta Gobolka Minnesota waxay ku waajibisay dhammaan hay'adaha Early Intensive Developmental and Behavioral Intervention (EIDBI) ee ku diiwaangashan inay yeeshaan ruqsad ku-meelgaar ah.

Si aad wax badan uga ogaato:

- [Dib u eeg bogga EIDBI Licensing](#)
- [Dib u eeg Su'aalaha Inta Badan La Isweydiiyo ee EIDBI](#)
- [Isdiwaangeli si aad u hesho cusboonaysiin ku saabsan hirgelinta ruqsadeynta ku-meelgaarka ah ee EIDBI](#)

Haddii aad qabto su'aalo ama faallooyin, iimayl u dir kooxda EIDBI Licensing cinwaankan eidbi.licensing.dhs@state.mn.us.